

OMUKUETU

No. 9

September

1953



EKUATACANO LJA TEKA.

Galikaneni muua nezimbuko
1 Tess. 5: 17

Omolua shike uukriste uoje kau na ue uujelele noonkondo nomuenjo ngashi nale?

Omolua shoka: ekuatacano olja teka.

Mungoje muene ua foshuma kashi na sha, poshitako sha foshimbamba nokuli. shu uda oombende. Onke ano kamu na nando ejambeko li shi ku kuatelua mo ando. Manga omulonga guejambeko tagu piti mo mungoje uukriste uoje ou nuujelele noonkondo nomuenjo. Shaa tuu omulonga itagu ende ue, meni ljoje mua kukuta, no ua foshimbamba kashi na sha ue. Nando ui ikoneke ngini ku uete mo omuenjo nenge enjanju nenge ombili nenge oonkondo mu ngoje. Nando u ninge shike, ito vulu okuikuaca. Ekuaco otali ja shampa ekuatacano lja hanganicilululua pokati ngoje nOmuaa omunamuenjo. Nena omilonga dejambeko li nomuenjo tadi tameke okutondoka no tadi piti muenjo guoje.

Ekuatacano li nomuenjo otandi li ada ngini?

Ope nondjila jimue ajike ojo egalikano. Ha ku tumbula ouala iitja jimue meulumo enene, ihe okukala meimuene-neno koshipala shOmuaa. Megalikano tuu moka omuenjo ogu nokuhanganunua nOmuaa. Omuntu oku nokuindila a udicilululua nOmbepe Ondjapuki. Eindilo ndika li nokutsikilua sigo Omuaa ote ja no ta talaleke shili omuenjo. Haku lalakanena omauvito ga huama, ihe okutegelela Omuaa meimuene-neno. Haku sikumudila mehuamo ljombepe, ihe okutegelela Ombepe jOmuaa ji teme omuenjo. Okuimeenena mohoole ja Jesus okuo taku gundjilike, nomuenjo tagu vulu okutala eadimo ljesilohenda ljomuaa. No mokutala ohoole nesilohenda lja Jesus omilonga dejambeko tadi tameke okutondokela momuenjo.

Opo mpoka tagu monika uo shoka sha li shateja po ekuatacano.

Omuenjo aguhe gua adika inaagu kalela ue Omuaa ngashi nale. Ombepe juujuni ja adika ja mono ompito okugua-jela mo nekudima po oshilonga shOmbepe Ondjapuki. Eiuvo lja kuatua koondjo, ihe inali itedulula. Ombinzi ja Jesus inaji kala ue oonkondo duujogoki esiku kehe. Omuntu a kala a mangua keiuvo lje kali nombili.

Mokukonga ekuatacano epe iijagaja ajihe iikulu ji nokukombelua koshipala shOmuaa, opo mpoka ajihe ji noku hempululua nokupangulua. Eitaalo okuitaala oonkondo dombinzi ja Jesus oljo tali jogo po oondjo adihe. Ekuatacano lja teka tali hangununicua isheue.

Eiuvo lja jogua negalikano lja nezimbuko tali eta esi lohenda ljombepe. Eitaalo tali ikuatelele isheue komauvaneko omanene gOmuaa. Neitaalo tali landulua komajambeko ge nomuenjo.

Omuntu oti itululula koaltari. Oti ijipululula a kale oshilongico shOmuaa. Muje otamu tsakana isheue oohapu domujapostoli: „Ha ngame ue ndi nomuenjo, aue, okristus a kala e nomuenjo mu ngame.“ Gal. 2:20.

Omuenjo gua mono ombili mOmuaa.

Elundululo
ljomoohapu da Urho Muroma
omusitagongalo guomu Suomi.

EPAPUDUKO.

Omudo uaja 1952 tua li tua mona omudo u li li inuo Kalunga a li a endifa momaongalo omauambo oshihomo shOmepo jaje. Konjala ouambo aische ja li ja kuatua kOmepo ei, nelinjengo eli lOmepo ja Kalunga la lukua Epapuduko ile vamue tava ti Ependuko, osheshi vahapu va fa va papuduka po opo va li po novapenduka meemofi deenkalelo dikulu nova hepaulula oui ausha ve u dimbuluka, vamue va hokololela moipafi jeongalo vamue ve shi ninga mouuike meholamo. Osho ngaho pa li elinjengo nekulukusho momaongalo omouambo.

Nomomudo tuu pa dimbulukiua elunduluko movakriste, osheshi ovakriste va li va hokua shili okuongala pomaudifilo eendjovo da Kalunga. Nefimbo inali pita po lile unene vahapu va shuna momilele davo omo va li va penduka mo, vamue va shuna mo unene shi dule nale, nova ninga ovasheki ovakukutulela vo kusheka Omepo ja Kalunga tava sheke epapuduko, alushe meenkundafana davo epapuduko la ninga oijolifa javo nge tava hokolola eshi va li va popia mepapuduko lavo. Vahapu va li ve shi vati ehulilo tali uja pomafiku oo onke vahapu va li va tila, no moutile ua tja ngaha va njengua okupuulikina naua meni ondaka ja Kalunga ei tai va pendula, va kala ngo tava jadauka inava shiiva eshi tashi ningua nanumbi tashi ti. Onke ve li teeka mo diva mepapuduko.

Eliiteko eli lokuliteeka epapuduko la kuata ovakriste vahapu, ovakriste vahapu va tuiminua ku lo onke la efiua po keeninga neembinga ihaku udika vali epapuduko. Eemofi da tui-kila momaongalo ngashi sha li nale. Vamue va hala oku li japula peenele davo vo aveke momaumbo ndele ke vahapu naava jo tava hovele jo okukofa filu.

Omukuetu omukriste ua kulilua, oua koneka tuu odula nge tai loko? modula ohamu kala omepo neemaue nomeva maua matalala taa pumbiua, eemaue noshikungulu shomepo inashi pumbiua, osheshi otai njonauna po oimeno ndele haaishe tai njonauna ope na imue tai hafele odula tuu ojo. Osho shi li po mepapuduko omepo ja Kalunga ja penduka eemuenjo dovakriste nomutondi eja noikungulu jaje neemaue daje a njone po oimeno ja Kalunga ja mena meemuenjo dovanu osheshi oje ina hala nande omunu a hupifue onke a shunifa ovanu meemofi doulunde a mue neka omadilongo ovanu va ha diladile vali ehupifo nokue va pa eendunge do ku konakona no kushimunua epapuduko noku li sheka, nokutuiminua kuepapuduko la tuimina jo ovakuateli vokomesho vahapu, va limbililua fiyo va efa ovanu ava va li va penduka inave va kumika omukumo noku va hekelekifa eendjovo da Kalunga onke epapuduko li li pokuhula po.

Omutondi okua lungama osho ngaha ta kofeke nounje teu pendulile movanu va ha pukululafane vali. Vahapu tava ti Omepo ja Antikristus ka li shi epapuduko, ndele onda hala ndi tje; Eshi oshilonga sha Kalunga muene ka shi shi kudinua noku shekua, pamue to sheke ngaha Omepo ja Kalunga. Nge she ku tuimima onaua nge to indile tate Kalunga a pendule jo omuenjo uoje ove u tameke jo oshilonga shomulongua ua Jesus. Osesi Jesus ine tu ifanena tu kale omutumba, okue tu ifanena oilonga ei; Okutua omukumo ovaloloki nokukumaidila ovaloloki okuendanondjila javo nokukoleka ovatengauki noku va hokololela Jesus oje Omukulili uavo, jo. Osheshi oku na vahapu inava jelelua natango kevangeli ovo nee oshilonga shoje u va ulikile Jesus.

(tadi tsikilua kopardja 4)



GABRIEL ASIKAINEN

Isheue omuhongi gumue omusuomi a mana pondjenda. Nga-shingeji olufo luomusamane Asikainen lua ciki. Okua ilua ngeji ku Kalunga je muene. Okua kuatua kuuvu nokua lala kOnandjokue sigo eicano lJomuaa lje mu aada ngaaka mesiku eti 20 lja Auguste.

Omosondaha esiku eti 23 ongula elongelokalunga manga inali tameka mongerka ongendjo jokOniipa ja dengua oosa. Aantu ojendji ja gongalele komeendo gokOnandjokue. Omusamane Manja kua jakula efumviko naasamane Eriksson, Hynonen na Leonard Auala ja popica aantu. Noshu uo aasamane Kekki, Hatakka na Poikolainen ja lesa oohapu dOmuua.

Oongala doopala da siikile ombila jomusamane Asikainen. Odo da hokolola oje e nookuume ojendji no kua hokiua kaantu aasuomi nokaauambo. Omusamane Asikainen kua li ina hala okuinenepaka nando esiku limue no ini ikongela iipundi jokomeho. Aue! Oje a hala okukalela aantu noku ja jakula noku ja kuaca. Onke ano tatu mu dimbulukua okuume ketu omuhoolike.

Kalunga je muene na hekeleke omusiluakadi Asikainen naanona je. Omuaa ne ja pe oonkondo okuhumbata omutenge nguka tagu ja lilica ngashingeji ihe oje je na uo emonacano metegameno ljokombanda.

OMUJENDA MEGULU.

Muujuni muka tua kala mo omu na omavundakano ogendji ihe onakukala kevi kehe oku shi shi naa-naa kutja kee na mo ecimbo ele muka. Oohapu da Kalunga otadi ti: „Pokati ketu neso ope na ouala onkatu jimue.“ Ano onkatu jimue. Okukala kombanda jevi otaku hulu mbala. Otatu ka falua muukualuhe.

Okuza molutu hakuo andola oshinima oshinene. Eipulo li li mojendji oljo tuu ndika: „Uukuaaluhe otatu ka kala tue u gama peni?“ Ombimbeli otaji tu fatutufite naua oshinima shika, kutja, otu noku ka kala mu limue ljomomaha ngaka gaali, megulu nenge moheli. Omaha ngaka oko ge li shili. Omuaa Jesus okua ti: „Otandi ji ndi ke mu longele eha.“ Omujamba guomoheli okua li a pula Abraham a tumu Lasarus kaamuajina oku ja londoda, opo jaa je meha ndjoka ljuuehame e li mo. (Luk. 16: 27-28.)

Omuntu ngele opo te ja moshilongo oha kala e uete pe na elunduluko okujelekanica na shoka a zi. Otu shi shi hasho tashi ka kala, ihe otatu tungu ejele ljomuntu omuhupicua a cigi po uujuni mbuka, nokua pitilile oonjoci nomuedi netango, ta ciki moshilando oshijapuki megulu.

Omuntu ngele opo te ja pokunima oha kala e nehalo okupula nokuuva ajihe mbjoka iipe kuje. Otatu diladila omuntu ngoka opo e ja megulu, ota pula ngeji: „Muka kandi uete mo oombuga nosho uo omakuega noondjoho. Iinima ajihe mbino oji li peni ano?“

Ejamukulo ngika oljo ndi: „Mbika kaji mo moshilongo shegulu. Kevi oji li ko ecingo, omolu uulunde. Muka inamu cingua, onke tu na oongala daa nomakuega.“

Omujenda ta pula isheue: „Oonkuatua oje li peni? Kandi uete mo ondolongo muka.“

Aakuanegulu taje mu jamukula: „Muka Kalunga oha longelua naua, niipango je ohaji guanicua. Muka kamu na uuinaji nenge aalongi juuinaji, onke oonkuatua kaa vulu okukala mo. Ndika oljo eha lja manguluka. Aakali mo ohaa ende nomalundu galjo ngashi ja hala.“

Oje ta pula: „Oohepele oje li peni ano? Osho uo omahanganogoku ja kuaca kage mo?“

Ejamukulo oljo: „Muka otu na omulonga guomuenjo, omuiokele nomujelele ongomabegele gomongua gua za moshipange-

lapundi sha Kalunga. Omuri guomuenjo hagu imi iijimati omaludi omulongo na gaali otu gu na uo. Aakali muka ohaa ji mono. Ojo aana jokombandambanda na Kalunga ote ja guanicile oompumbue dauo.“

Omujenda a hala natango okutseja, onke ta pula: „Ongundu ndjino ja jela, otaji kuca mo ano unake oonguo deadimo ja je miilonga?“

Ejamukulo: „Ecimbo ljauro ljiilonga olja pua po. Kape na ue oonguena de ja menena. Kaa pushu ue. Ojo aanelago taa kala muujapuki muka sigo aluhe.“

Omujenda ta pula isheue: „Aavu oje li peni nom eendo uo?“

Ota jamukulua: „Aantu mbaka oja pitilile omulonga gueso. Mevi ndika ejapuki kamu na oombila osho naavu kaje mo.“

Omupuli oti imbi

Jerusalem otandi ja,
Mu ngoj'nda hala uo.
Nda vulua okukala mpa,
Ope nepjagano.
Omutenge guandj'omudigu ngu,
Milema noda gee,
Nelilagano tali pu,
Kungoj' muujelele.

Oja ciki moshilando shoka onke kaa na ue uudigu ua-sha“.

Kuume ketu ta pula natango: „Nda kala mo ecimbo ele muka nomilema itadi ja nando, uusiku otau ja uunake ano?“

Ta jamukulua isheue: „Dimbulukua kutja mbuka ono uujuni ulue. Egulu oljo li na omutenja aluhe. Kali na usiku. Ojo itaa pumbua etango nenge olamba oku ja minikila, oshoka Kalunga oje uujelele uauo. Shika osha popiua meimbilo ndjoka tali ti:

Aajamukuli otaa iimbi

Ongaj' te tanga Jesus
Mondjila jokuja
Kegumbo ljomegulu
LjOmukulili, Omuaa.
Pomulonga ngui guomuenjo
Oku te tangele
Aluheluhe Jesus
Esilohenda lje.

Muka kamu na iikungulu nuumbija, nuusiku kau mo. Muka oto kala mo nokujangela pamue noongundu daajengeli na mboka ja jelicua kombinzi jonzigona.“

Omulumentu ta pula isheue epulo lje lja hugunina: Ondi uete mpaka oongundu mbali daanankondo. No nando miinima ojindji oje li po ngaa ja facana, opu na ngaa ejooloko. Ope na ongundu ndjika onene ji na omavava, nope na isheue ndjoka ja njenge okujalula jaa na omavava. Shika otashi ti ngini?“

Ta jamukulua: „Eeno, ou li mondjila. Ojo ajehe aashitua ja Kalunga. Ejooloko oli li mpa: Ongundu onene ji na omavava oje aajengeli. Ojo ja shitua nale manga uujuni ua li uaa ko. Oja kala aajuuki naainekelua. Nalenale mokati kaajengeli mbano, omua li mua holoka gumue i iningi omuinaji nomunandumbo. Aajengeli jamue oja gama kuje. Ojo oju umbua mo pamue nomuinaji oje ngo. Ihe mbano, oje aainekelua. Ojo ja li, no je li po, nctaa ka kala aajengeli naatumua ja Kalunga. Ongundu onkuauo u ji uete jaa na omavava, oje ja mangululua. Oja zi kuujuni nkoka ua zi. Ojo ja li aalunde, ihe oja jogo oonguuo dauo moombinzi jOnzigona. Oja sindi satana nomahongololo agehe, noja ciki muka megumbo ljomegulu. Itaa zi mo ue. Oljo onkalo jauo jaaluhe. Ecimbo olja hulu po, nuukualuhe oua ta-meke.“

Ongundu jaamangululua oja tsakaneeke omujenda, noja imbi nokuhambelela Kalunga. Oja laleke uo omujenda nuujamba noja ti: „U kundue omusiluahenda ngoje, Omuaa e ku na, sho ua ciki muukualuhe ue. Kala mo ano menjanju lJomuaa, u mu longele nokutala oshipala she aluhe sigo aluhe.“

Mu Ewigheid - toe: Dr. D. R. Snyman.

Lja lundululua ku H. J. D. Nampala.

Aanona naagundjuka naa ilonge oonkundacana dika, opo je di etele mo miigongi no miituci jauo.

Omukriste oje omuntu ngoka ? tseja naua oohapu da Kalunga na okua tseja oshilonga sha Kristus shekulilo.

Omukriste ota tseja ngini oohapu da Kalunga? Andija, esiku limue oala mono omukriste omukatolika, ngoka a li nokatekisa pa katolika. Oje nokua pe ndje okatekisa ke ndi leshe mo. Ihe okambo oka njolua niitja jimue joshilatina, ihe shonda tameke okulesha oje okua tetekele ndje okutumbula. Onda li nda kumua shili sho a tseja naua ngeji momutse, nando okatekisa ka li po konjala omapandja 175. Nuunene okua tseja naua iipango jongerki uo nomaindilo agehe nando ge li po o-maleleka. Oje okua tameke kuinekela ajihe mbjoka ja njolelua mokambo ke. Onda mu pula nda ti, oua tseja ngini oohapu odindji ngauo? Oje okua ti: „Onda tseja oohapu adihe dokatekisa, oshoka otandi diginine okulesha.“ Onke, oje ta diginine no ta pungula momutse shoka ta leshe membo ha momutse ashike ihe nomomuenjo uo. Oje a ti ondi nokutseja oohapu adihe opo ndi kale ndi na sha nando ndi se. Oje a jelelua ke-longo ljauro no te li diginine.

Ongoje omukriste ngoka ua peua Etestamenti lja jela, nokuli kamu niipango jaantu ngashi omukatolika nguija kee nEtestamenti lja jela. Oho li ningi shike Etestamenti ljoje? Eeno, sho ua peua embo ndjoka opo u leshe mo naua na u longue kulo. Okulesha kuoje naku kale ku nomuenjo, u tseje oohapu da Jesus na u inekele shoka shi li mo, ihe nadi je momuenjo uo. Oshoka Kalunga sho a gandja oohapu de koshiguanashaaisrael okua hala okunjolela oveta je moomuenjo dauo haku kala ashike momajambi nenge momambo ihe momuenjo Jer. 31:33. 3Mos. 26:12. Osho ngoje omukriste, Jesus okua hala okunjolela momuenjo guoje oohapu de, opo u kale u di na. Ndishi kape nomuntu e noshigunda e ta kala ina tseja shoka shi li mo? Ongini sho u nembo ljoje ihe ino tseja shoka shi li mo, oshoka iho leshe mo naua. Oshoka embo ljoje oljo ndjoka tali ku longo nkene to kala n'Omuua guoje okuljo to longua ajihe ja jela. Ngele oohapu doka di li membo ljoje ue di toola mo no da ji momuenjo guoje nena Jesus na he otaje ja kungoje e ta dike egumbo mungoje moka taa kala mo Joh. 14:23. Oho leshe tuu embo ljoje nokatekisa koje? Omukriste nguija oha leshe okambo ke. Osho nangoje uo siikulula embo ljoje opo u kuce mo shoka ua pungulilua mo shi ninge shoje opo u kale u na shoka to adika nasho k'Omuua guetu Kristus sho te ja kungoje.

E. Nelomba.

OSHITUCI SHOMUKUANIILUA.

Omasiku hamale omu Engeland mua danua oshituci oshine-ne shezaleko ljoshishani shomukuaniilua. Oshituci shoka osha li shesimano no shenjanju. Oshilando ashike shepangelo sha zalakua uulenga uiili na uiili uaadima naua.

Omanga omasiku gelongekido ljoshituci, aantu joomiliona ja zi kiilongo ojindji jo muujuni ja ada oshilando shika Londcn. Aapangeli, omalenga omanene naanamadina jo miilongo jo muujuni ja hijua, ja ciki ko. Oshilando nomapandanda gasho ga vilauka eembunga dinene daantu no daakuiita, jo momeja, jo mombepo no jo kevi meuiliko ljoondjaji dauo. Okoshituci nkoka kua li uo aapangeli naanentu aaluude jo miilongo jo mevi lja Afrika

Oshituci sha ningya nosha danua pamukalo guoshingo no pangerki joshilongo. Omubisofi omukuluntu guo ku Canterbury kua zaleke omukuaniilua Elizabeth II oshishani she shuukuaniilua, nokutumbula elongicuatumbulo: „Kalunga gamena omukuaniilua“ Osho uo omukuaniilua muene kua uvaneke okulela oshiguana she na jilue jo melelo lje, pahalo lja Kalunga.

Omuleshi, koshituci sha popiua okua hijilue aanenentu naanamadina ajeke, otse katu hijilue ko, kashi vulika nokuli. Otse otua hijua notua icanua koshituci shaaluhe shOmukulili guetu. „Endelela, inda noondjila nomapola goshilando ngu ka ete mo oohepele niilema naaposi niitiningili.“ (Luk. 14: 21.)

T. A.

Osho oshilongo mu Afrika lokoushilo. Ovakuluhnu vasho va tokola oskola keshe ji nokuufua keongalo likuakriste lohnumba ile longandi. Otashi dulika pu kale eeskola kadi li mepangelo lomaongalo. Ngenge pu neeskola kadi li mepangelo lomaongalo di nokukala di nomulongi ou e shi kulonga omalongo makuakriste. Ovakuluhnu voshilongo va ti ngaha metokolo lavo: „Ofje tu nediladilo limue alike eli tali ti: omalongo oskola neendunge adishe da shili di nokudama moukriste“. Ovakuluhnu venja ve hoole oshilongo shavo shi kole.

JAPAN.

Oshilongo osho mu shi shi? Osha kula ndele shikulu shokoushilo. Okambija ka kula ka endela mo medu lavo ndele la hanau-na omaumbo mahapu. Ovahnu 70,000 va kanifa eengulu davoo osheshi ohmepo ojo idju je di hanauna po filufilu. Ovo aveshe va kala poluhaela. Ovahnu 600 va file momeva osheshi ohmepo ja tuala omakufikufi kokule nefuta novahnu ovo aveshe inava shiiva okukaama va ningine momeva. Ovahnu 5000 va kana itava monika nande. Osho ngaha ounjuni tau kakama eehngono da Kalunga ngenge tadi hovele okupopja.

RHODESIA — WALVISBAAI.

Oholomenta ja dimine oshilongo sha Rhodesia ngenge sha hala okutunga ondjila jokolutenda taji di koshilongo shavo ndele taji tu kuWalvisbaai, otashi dula oku shi ninga. Ondjila ojo taji jakula naua edu la Suidwes jo.

OMBILI JOUNJUNI.

Ovakuluhnu voilongoninginino Amerika, Engeland na Frankryk ova tuma elaka ku Rusland ovakuluhnu voilongo ei aishe va ongale moshiongalele shimue omo mu kundafanue ombili jounjunihnumbi ji kolekue nomashilafano pokati koiuana ajishe a manuke po. Ovarusija ngenge tava dimine oshiongalele osho tashi ka ongala mu September.

PROFESSOR DAMMANN.

Ku Duisland kua dja elaka vati oprofessor ou ta kendabala okuja ku Suidwes no kOuambo jo ngenge ta mono ohmito. Oje ohngulungu okukonakona omalaka e lili no e lili Oje ta longo ovastudende mu universitet jomuHamburg. Eshi teu uja jo kufje mbela oje ta shiiva okutu pukulula hnumbi oshindonga noshi kuanjama shi nokushangua n. sh. t. Ngenge ta mono ohmito ohatu ti ijaloo, ua ninga naua eshi ue ja po.

AAJENDA TAA JA.

Omahanganotumo ga hangana pomimvo dika. Ku Europa mua ningilua iigongi iinene moka mua icanenua aatumua jomomavi gi ili no gi ili naatumua jomoongerki domomavi gaapagani oja li mo uo. Omo mua kundacanenua ekuacacano ljomoshilonga, no mua dikilua okangundu kaatonateli joshilonga shetumo alihe (Internationale sendingraad.) Okangundu haka oke nokukoneka naua oshilonga nkene tashi longua pomaha gi ili no gi ili, opo ka uape okupukulula ejakulacano mpoka tali vulika.

Aatumua jaali jokangundu haka je li mondjila nokuli, ojo omuhongi Charles Rauson nomuhongi Erik Nielsen ojo otaa koneke eputudo ljaasita jomagongalo nkene lja tja. Ojo otaa ciki ku Union petameko lja September no taa ja nokOuambo uo, pamue mu November.

(Etsikilo kepanja 1)

Osho tua ifanenua oilonga ha okushaka noku shekifa edina la Kalunga onke ovakuetu nje tu pendukeni meemofi donjalo ja satana nodoundede tu jeni moilonga jomutumi uetu Jesus Kristus. Keshe umue ngashi ua ifanenua, omunashilonga ile omukriste ile omupapuduki, ino li joolola u li kalele ove auke above ha sho uaifanenua osho, ndele ua ifanua u hakane eemunga da Kalunga tadi ka ningina monata joulunde nojefio paenkono to di peua ku je, osheshi oje ta ti: „Ondi li pamue na nje“ Mat. 28: 18-20.

Onke hano efimbo liua olo tuu eli tue li peua paife eshi, inatu li hepifa ongaho osheshi oli na ondilo okuilandela.

Natu li longifeni hano, nande pe na oudju noukukutu opo u li movapukululua, inati fia ounje fie tu loloke above oshilonga kashi fi shetu vene oshi na muene omudiinini ou e shi tameka mu fie oje te shi uanifa jo. Fil. 1:6, 1Tes. 5:24.

Onke kala u shi shi nge ito alula omukueni momapuko uaashi oto pulua jo ohonde jaje nge ta i mekano, Esek 3:20. Ino efa eedi da Kalunga di je ue di rala ove ito di alula ngashi Kalunga ta ti: Esek. 34:1-31.

Onke hano oilja ja Kalunga tai fi komaidi, penduka u je moilonga ngomulumenulela ino tila haa ve auke omu li nomutumi uoje Jesus Kristus endelega manga inaku toka, taku toko!

1. Longa, uusiku tuu ja,
Longa, ua meneka,
Longa, omutenja gua tsu
No ua fupala.
Longa, nge ku nepupju,
Longa, kua talala.
Longa, uusiku tuu ja,
Ito vulu sha.

P. Andreas.

Ohole ndjika aaputudi otaje ji ada peni, opo ja uape okuputuda aaputudua jauo nohole o indji? Olucicija luohole otu lu na oluo nduka. Tango tatu lu mono mu Tate Kalunga. „Oshoka osho Kalunga kua li e hole uujani oje a ganda Epona lje . . . Joh. 3:16. Ohole otatu ji mono mOmuaa Jesus muene sho te tu longo ohole ta ti: Oshipango oshipe otandi shi mu pe, holacaneni, ngashi nda kala ndi mu hole; osho nane uo mu holacane Joh 13:34. Hola omukueni ngashi ui ihole muene.“ Mark. 12:31.

Ngele maaputudi mu na oshijimati shika shohole joku hola aaputudua jauo, nena oshijimati shika shohole otashi ningi shaa putudua uo. Noshilonga shika sheputudo otashi ningi oshiholike shauo. „Aaholike jandje, tu holacaneni, oshoka ohole oja za mu Kalunga . . . 1 Joh. 4:7.

Oshinima oshikuauo shomu mbjoka aaputudi taje ji pulua osho eididimiko, li kale momuputudi kehe. Aaputudi naa kale je shi kuididimikila okukala kuaaputudua jauo. Kee nokukala omugeentu ta geele mbala na mpoka inapu guana okugeelua. Na konakone naua oshinima oshini sha jonua kaa putudua je sha guana oku ja geelica mbala, noshini sha guana okupukululua nombili. Nena opo mpoka aaputudua taa didilike uusama uauo jene omolu eididimiko lomuputudi. Noshinima oshinenene sha pumbiua kaaputudi ajehe osho shika. Aaputudi taa tegelelua ja kale je na ombepo jegalikano okuigalikanena jone nokugalikanena aaputudua jauo.

Okuna omuputudi omunene ngoka e li komeho gomuputudi no gaaputudua, oje Jesus, ngoka muje aaputudi ajehe je na okukonga oondunge dokuputuda aaputudua jauo. „Ihe ngele ku na ngoka guomune ina guanica oondunge, oje ne di indile ku Kalunga.... Jak 1:5

Joh. Shifiona.

AAPUTUDI TAA PULUA SHIKE JA UAPE OKUPUTUDA AAPUTUDUA JAUO?

Omuntu kehe e na oshinakuguanicua ota pulua sha. Ota pulua shike? Mpaka tandi tumbula po jimue jomu mbjoka omuntu te ji pumbua. Ojo: Oondunge, opo a uape okulonga oshinakuguanicua she naua, oshitijaali uudiginini, okudiginina oshinakuguanicua she sigo tashi pu, noshititatu osho ohole, jokuhoala shoka e shi peua e shi guanice.

Omolua shike aaputudi taa pulua oondunge moshilonga shika sheputudo je shi na? Aaputudi otaa pumbua, opo ja uape okuputuda aaputudua jauo naua. Oshoka oondunge daaputudua, odo oofupi, oonshona, inadi guana. Onke aaputudi je na oshilonga shokuputuda oondunge daaputudua jauo. Je di indjipaleke, je di kokeke no je di putudile mokudiladila mbjoka iuanaua no juuka no joshili . . . longacaneni pukululacaneninoondunge. Kol. 3:16.

Aaputudi taa pulua uudiginini moshilonga shika, oua shike? Tango aaputudi je nokuidiginina jone. Openi? Kuuhasha jaa kale aakaanakonasha naaputudua jauo, opo jaa fale aaputudua jauo moshiponga shika shuuhasha no shuueci. Jaa popje no jaa ninge shoka inashi opala momakutsi no montaneho jaaputudua jauo. Je nokuidiginina koondjigilile oombuinaji, opo aaputudua jauo jaa kuate oondjigilile doka inadi opala. Oje nokukala ngiini? Je nokukala oshoka oshiuanaua ja kale omuti omuanaua. Omuti kehe ohagu dimbululua kiijimati jaguo Luk. 6:44

Aaputudi je nokukala omiiti doka omiuanaua tadi hokica okuliua kaaputudua jauo.

Aaputudi naa diginine shili aaputudua jauo oku ja fa meputuko euanaua. Tango metilokalunga li ninge ekotajjuunongo uauo auhe. (Oondunge da Salomo 1:7. Ps. 111:10.) Naa fale aaputudua jauo mevuliko ljasibili no moondjigilile doka oombuanaua tadi tungu omuenjo nolutu. Aaputudua naa kuce oshiholelua shuudiginini kaaputudi jauo. „Diginina shoka u shi na . . .“ Ehol. 3:11.

Aaputudi otaa pulua ohole moshilonga shika sheputudo. Oshijimati shika shohole tashi tegelelua shi kale momuputudi kehe. Oshoka ngoka kee nohole, ita vulu nando okulonga oshilonga shika sheputudo. Nohole tamu zi oshimpuiju nehala ljo-ku mu fala moshilonga shika shokuputuda aaputudua je. Onke omuputudi kehe ta tegelelua a kale e na ohole jashili.

OKTOBER.

- 1 Do. 2Aakuan. 6:8-23. Tit. 2:1-10.
- 2 V. 12:27-33. Tit. 2:11-15.
- 3 Sa. 2Mos. 23:20-26. Tit. 3. Eps. 34:2-9.

Eps. 103:19-22. Mark. 9:33-40. 1Mos. 28:10-22.

- 4 S. Esiku lja Mikael.
- 5 M. 1Tesa 4:9-12. Mika 1:1-4, 2:1-5.

6 D. 1Mos. 4:2-15. Mika 2:6-11.

7 W. 1 Joh. 4:7-16. Mika 3:1-4, 9-12.

8 Do. 5 Mos. 30:11-14. Mika 4:1-7.

9 V. 2 Kor. 8:1-9. Mika 6:1-8.

10 Sa. Iil. 5:1-11. Amos 2:1-8. Eps. 32:1-7.

Eps. 92:2-3. 1 Tess. 1:2-3. Eps. 68:20.

11 S. Esiku 4 llegalikano.

12 M. Mark. 8:22-26. Amos 5:1-9.

13 D. 3 Mos. 16:15-19. Amos 5:10-15.

14 W. Rom 3:21-26. Amos 5:16-20.

15 Do. Heb. 10:1-10. Amos 5:21-24.

16 V. Heb. 10:11-18. Amos 7:1-9.

17 Sa. Jud. 20-25. Amos 7:10-17. Omajelt. 2:1-8.

Heb. 10:19-31. Mat. 21:33-46. Jes. 5:1-7.

18 S. Os. 20 ja landula Ukuatatu.

19 M. Joh. 6:24-33. Amos 8:4-12.

20 D. 2 Mos. 16:2-7, 13-15. Amos 9:7-15.

21 W. Joh. 15:1-8. Heb. 1:1-4.

22 Do. 1Kor. 10:14-22. Heb. 2:5-10.

23 V. Ehol. 3:14-22. Heb. 2:11-18.

24 Sa. Ehol. 19:6-10. Heb. 4:1-13. 2Sam. 7:17-29.

Kol. 2:1-7. Iil. 16:25-34. Jona. 3.

25 S. Os. 21 ja landula Ukuatatu.

26 M. 1 Kor. 9:24-27. Heb. 5:1-10.

27 D. 2 Tim. 2:1-5. Heb. 7:18-28.

28 W. Rom. 14:4-12. Heb. 9:11-13.

29 Do. 1 Kor. 9:13-18. Heb. 10:19-31.

30 V. Luk. 22:31-38. Heb. 10:32-39.

31 Sa. Ehol. 14:6-7. Heb. 11:1-7. Omajelet. 24:

14-20.